

Afe mgbi iPol mbi iTaitusu

¹ Afe ne kye mbi iPol, ongbido mgbi Imgbasho ongye ogbikye iYesu iKrestu ikye oyeye onuunu mgbi ama Imgbasho sadu ma beyi oye-ye mgbi otsitsi nli nu inggise yee inggise Imgbasho,

² oyeye onuunu beyi oye-ye nfyidze mi ewe ogbe byiiby mi oshishe ogyegwu, ngwi Imgbasho, nli gbatsika ba, zonu duuse owita-wita mgbi ese,

³ ngwi onu ma wa gyo yeye ne, Imgbasho onagbe eyi wo ani ola ni ani gbeeso mgban ngwi o kyi wo ani abo ne to mi ododa.

⁴ Ani lo afe ne ke mbi iTaitusu, ongwani otsitsi-otsitsi ngwu oyeye onuunu mgbi eyi li ungwonyi na gbæ:

Elela yi iyu mgbi Imgbasho Otseyi yi iYesu iKrestu ongye onagbe eyi no dze yi abu.

Ido mgbi iTaitusu mi iKrete

⁵ Itodze nnu ani dzata abu mi iKrete yo, li onu abu yile ungwu nsisi ma dzeke yeye diye sadu engyukwo mi ali igeli, dafi ani ple tso abu ofe nani.

⁶ Inggise ngwu a sadun gbæ no li ongyukwo yo, li kyeme-kyeme no li inggise ngwu a ka du ongwufabo mbon ba, o ka li obongyaa onyi, ngwu emi onghan noyeye, li nghaado hona ga kye wuu ba.

⁷ Ngwi a kye ido mgbi Imgbasho wo engyukwo ama okye okwakyè mgbi emi iKrestu teyi abo

ne, li kyeme ngwi o ka li inggise ngwu a ka du ongwufabo mbon ba, o ka li inggise okyile ewo esho ba, o ka li inggise okyitingga ple-ple ba, o ka kye ewon nu ebye owa fya ba, o ka li inggise imoga ba, o ka li inggise okyo nggwo mi udza ba.

⁸ Tatase no li inggise ogbe ingyoga kyeme, inggise ngwu ungwo osuse kpan, nli bwa ewon fyii, no li inggise ogbo otsitsi, ka li inggise osaan di nye ewon mani.

⁹ No li inggise nbyi eso otsitsi ne saan dafi a tso mani, ikyegbee no kwu inggise angbeka ewe wo mi otsootso osuse di yile ama nkye afɔ twese yi otsitsi ma dze ofe.

¹⁰ Lubana ama ntangwe otsitsi mbwo, ama ogbodze wo beyi ama okpaga inggise wo, onghaanga duu yo mbi ama okyiiky ntoneni.

¹¹ Ni a tukwu ma ondu kyeme, ikyekye a le kyi bulu eto ololo duu mi otsungwo ndze mbiso ngwi a kile tso ba, mi ikye ifu mgbi ama.

¹² Inggise oyodze mgbi ama oka ple gbee, <<Emi iKrete teyi li ama omwonya, a li mmbwaba ibwubwe, emi ewewa ama okyo nggwo.>>

¹³ Obwende ne li otsitsi. Nghane, kyokyo yi ama saan. Ta a ka kwulu afɔ ese mi oyeye onuunu mgbi ama.

¹⁴ A dika gbekabyi ayayi utsa mgbi emi iJuda hona ola mgbi ama nfwa otsitsi na ba.

¹⁵ Mbi emi osaan yo, ungwo duu le saan, kpaa mbi ama ngwu a kye ma itukwu kyi mbee di noyeye ba ma ungwo onyi kpaa le saan ba. Otsitsi, itukwu yi ela ongwi itukwu mgbi ama duu a kyi mbelu.

¹⁶ A li kye gbee di ama ye Imgbasho, kpaa a li

tangwan mi okyɔɔkyɔ mgbi ama. A li ama okyile inggise itukwu, a li ama onghaado di me okyɔ unkonyi osuse ba.

2

Otsootso nli ayin

¹ ITaitusu, li ungwo ama ngbela yi otsootso osuse kyeme ma ngwi abu ka tso.

² Le tso emyine nu ma gbewebyi oshishe mgbi ama, nu ma sulu mmwe ewo, nu ma bwalu ewoma, kpɔklɔ mi oyeye onuunu, mi okpitukwu beyi itukwu oshiishi.

³ Mi ito ofe ne kpɔɔ, tso engyaa emyine ni a li ama otsio Imgbasho, ni a li ama ogbaagya hona kye oshishe fado ebye kwuba ba, kpaa otsungwo ntishi.

⁴ Ikye nu ma tso engyaa engbe odi obama yi engwe kpa ma itukwu,

⁵ obwalu ewoma di dze nyaan, nu ma wa sooso mi ude ba, nu ma tishali, nu ma le fwoofwo yi obama, adzi ni inggise ka kwu elodze Imgbasho shanye ba.

⁶ Di fyi mmafa kpaa mfye itukwu nu ma bwalu ewoma.

⁷ Mi alungwo duu tso ma ambe mi osuse okyɔɔkyɔ. Ono ngwi abu le tso ma yo byi otsitsi dika kyo asha ba.

⁸ Elodze mgbi abu no menbwa gyo ni a ka kwushanye ba mani, adzi ni ama ofwa ema gyayiwi ikyekye a tu ungwo obube okye abo byi ele ba.

⁹ Tso ofyee nu ma yile ewoma ese mbi en-gyukwo mgbi ama mi alungwo duu, ni a kyungwo okpa ma, ni a ka datsondu yi ama ba.

¹⁰ Ni a ka yi ma mmyi ba, kpaa nu ma kyungwo ngwi a ka nu ma oyeye mani, adzi ni a nu otsootso mgbi Imgbasho ongye Onagbe eyi mmwe mi ali ito ofe duu mani.

¹¹ Lubana elela mgbi Imgbasho nkye owato-wato ba ma kaka tu ali inggise duu.

¹² I tso eyi odulu abo mi ungwo ama nli mgbi Imgbasho ba, beyi imina mgbi ese, di bwa eweyi blii, dze saan, ni eyi di dze mi oshishe oye Imgbasho mi ono ngwi eyi woto ele neni,

¹³ dafi eyi kale fe ewe ogbe byiibyi osuse, oyeye okwokwo mgbi Imgbasho mgbi eyi odatu beyi onagbe, iYesu iKrestu,

¹⁴ ongwu nkye ewon nu ikye eyi, onagbe eyi mi ali imbaali di kyi salu eyi gbese ni eyi yee inggise ama nli idzidza ikye ewon, di dze yi oweka okyungwo osuse mani.

¹⁵ Nghane, ungwo ntoni li ungwo ama ngbuo ni ema le tso joani. Le fyi inggise mfye itukwu dile kyaka yi ali mfye duu. Ka yama nu inggise onyi kwu abu shanye ba.

3

Okyungwo ntishi

¹ We inggise nu ma siikyenu ama oteyi ese beyi mfye, nu ma le siikyenu, di wewo okyo alungwo ntishi duu.

² Ni a ka nya inggise onyi odzagya ba, nu ma le ba yi iyu di fwo mgbi odo ma, nu ma tso ewo oyile ese mbi ali inggise duu.

³ Ono nnye ma eyi kpaa li ikwangha, nghaado, osho yi imina gya eyi ofyee di kpagya eyi wo. Eyī mbwo yi ikyili yi uwaba, ali inggise di eyi lanyī eyi kpaa di ewee tanyi.

⁴ Nghaduu ngwi osuse okyockyo yi okpitukwu mgbi Imgbasho Onagbe mgbi eyi wa kaka ne,

⁵ o nagbe eyi, kpaa li mi osaan mgbi eyi okyockyo ba, li mi elela mgban odiidi. O nagbe eyi mi osa-sa mgbi oyile mba akpe fa beyi okyata yee ofufe mi Onodzi Osaan,

⁶ ongwu o kye nye abo iYesu iKrestu onagbe mgbi eyi yawo eyi dzii nani,

⁷ ikyegbee, ngwi o nu eyi emyemye mi elela mgban ne, ni eyi yee ama gyokwude di sulu ewe ogbe byiibyi mgbi oshishe ogyegwu.

⁸ Elodze ne li elodze otsitsi. N mina gbēe ni abu kwunewo ogbo ungwā ntoneni, adzi ni ama nnoyeye mbi Imgbasho ne kyo dumo di kwunewo okyungwā osuse. Ungwāntone tishi di sulu abo oyaaya mbi ali inggise duu.

⁹ Kpaa dula abo mi angwodze ikwangha yi odze inyabyi ogboogbo yi angwe beyi onogbe mi odze ola, ikyesine ayayi ungwā ntonē sulu abo oyaaya ba.

¹⁰ Kwo inggise ntoodze ado akponyi, di kwon akpe ongwu fan. Non nya bayo, dula abo mi odzan.

¹¹ Difwi gbēe ito inggise na fashi iyikpa tse otsitsi; alobube mgban abon dulan otse.

Odze ongwikpa

¹² Ni ani do Atemasi hona iTaciko ba mbi abu majo, fya mi ofyaafya mgbi abu ba mbon mi

iNikopoli, ikyekye n weka odze mmana mi onova nɛni.

¹³ Fya mi ofyaafya mgbi abu duu otobyi iDzena inggise oye ola beyi Apolo mi okyee mgbi ama di di gbɛɛ unka kwoma oba ba.

¹⁴ Emideyi nu ma kpayi okye ewoma nu mi ungwɔ osuse okyɔɔkyɔ kyɛmɛ, ikye nu ma sulu ungwɔ ngwi a kale kyɔ abɔ oyaaya ele alegbe-alegbe ni a ka li ama odiidi inɛ ba.

¹⁵ Ali inggise ndze yi ani duu le ta abu angba. Ta ama onoyeye ama eyi kpa ma itukwu ma duu angba. Elela mgbi Otse no dze yi ema duu. No dze ngha.

Etulo NT

Portions of the Holy Bible in the Etulo language of Nigeria

copyright © 2024 Initiative for the Translation and Development of African Languages

Language: (Etulo)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 26 Jul 2025 from source files dated 9 Jul 2025

156b6685-3a62-5375-95ed-97245882cc90